





原件短缺

P1-P2

興之際有調遣卽有舟楫有駐防  
卽有營房間邪許之役播遷之家  
何以寧止此尤事變之出於權宜  
不可不先時爲補救者也自康熙  
九年冬隴千慕先生來爲方伯十  
三年有輯瑞陳言八疏爲世所傳  
誦尋膺



簡命晉開府凡地方利害知無不言  
言無不行行無不效如請疏請濬  
議築議挑江河之工次第畢舉視  
文襄之立表開江其地加闢其功  
加廣矣如請蠲請賑請減請緩以  
至給米給錢給糜給豆視文襄之  
定減額以清逋撥餘米以備賑爲

時尤迫爲事尤難矣如建營房而  
圈占以免僱水手而牽挽以息小  
民之居者行者無不去危卽安又  
不可與文襄無事之時同日而語  
矣此皆出於

皇心之仁愛軫念民艱故凡有請命  
輒蒙報可而亦先生一念之精誠

百慮之敬慎足以仰致其用圭之  
告也升不敏生長江南竊有志當  
世之務得目覩先生之行事無一  
不為地方計久長而又綜理周密  
每事必求其精當數年以來得于  
需次之暇採取諸士大夫之說薈  
萃成編為興革事宜畧四卷弄之

筐衍會先生謝政以行吳民思之  
不置因出而詮次之以傳之於後  
以見先生之治江南者不必盡於  
是編而是編所存實江南大利大  
害之所繫後之覽者求其宜於  
計者何如宜於民生者何如宜於  
吏治者何如而後留之七郡為不

國

朽之功垂之百世爲不刊之典非  
敢以一人之臆論紀載成書也卽  
以是爲江南之職志亦輜軒之所  
必採矣

康熙貳拾貳年歲次癸亥孟春鹿  
城舊治晚生盛符升拜撰



江左興革事宜畧

目

東吳盛符升誠齋輯

卷之一

濬河始末

開江始末

重濬白茆塘始末

重濬孟河始末

卷之二

成造鳥船大工記

建立營房記

停緯夫以恤民頌

長邑清田紀事二

軫恤旱荒紀畧

軫恤水荒紀畧

卷之三

撤淫祠以卹嬰堂頌

廣設育嬰堂記

開除坍荒說

蠲緩積逋頌

淮揚涸田說

卷之四

蘇松浮糧考

練湖考

江左興革事宜畧

卷之一

東吳盛符升誠齋輯

濬河始末

太倉州庠生  
顧士璉著

劉河者何婁江入海故道也江起吳郡之婁關距海百八  
十里而近一受京江之水歷毘陵南下一受浙西三郡之  
水由吳江縣北來一受太湖之水合胥江西至並滙婁關  
從江入海是則劉河者六郡之尾閭卽六郡之農田水利  
所攸繫也考之前記元時海運盡由劉河出口最深且廣  
明初之導吳淞江水自新洋江夏駕浦入婁江者夏忠靖



公原也重濬劉家港者周文襄公忱也及崇禎季年洧遭

奇旱河水不下海沙湧積頓成平陸由是潦水無歸吳民

大困雖昌言開濬者屢形奏牘旋以費巨輒止至順治九

年以江南水患日深乞開入海故道為請者工科胡公

駿也十四年檄行太崑嘉三州縣分地協濬者巡按御史

李公森也而出身任事拮据經營惟我州白侯登厥功

尤偉其僅開中段未及石家塘東口者格于海禁也然海

口未通江水無從宣洩旋就澱淤與不開等迨康熙九年

洪水氾濫太湖四溢高下陸沈水留三月不去總督麻

公勒撫院馬公祐方為鞅掌欲講導江之法會浙撫

范公承以咨至詢劉河及吳淞江淤道今中丞慕公天

時為方伯蒿目民艱深求端委而疏河救荒之議出矣兼

之遺大投艱躬為擔荷櫛沐風雨親巡河上遂得丈尺之

實酌工役之平向之估費七十萬金者茲以四萬金可辦

兩臺為之心折乃合詞入奏請于蘇松常三府九年折漕

內暫留四萬兩以克工費幸邀

俞旨而劉河之役始興既興工有日矣慕公復詳計始終

勒為條約自築壩岸水以至畫土方給工料安置役夫棚

厥醫藥之屬靡不纖悉具舉皆可載之令典垂爲定法其止役太崑嘉之民者以募夫宜近不宜遠倣海忠介公開江舊法起夫于嘉青上三邑也其河面廣十一丈底深一丈六尺者以河流深狹則迅亦倣海公之開吳淞濶以十五丈爲率也每丈得土十四方共三萬三千九百四十方每方用夫十四工共四十七萬五千一百六十九工每夫給直五分實用銀三萬一千六百八十二兩八錢七分又倣范文正公荒年興役日給五升之說也于是分邑鳩工分官董事西自鹽鐵口起迤東二百七十二丈爲繁段郡

佐于公

階

任之舊壩至半涇灣南壩六百九十一丈爲易

段崑令董侯

正位

任之由半涇灣遶南復東至公塘灣一千

一百五十七丈有繁段兼有易段署州通府吳公

江偉

任之

越數里自倪家港至界壩一千三百八十三丈爲繁段嘉令趙侯

昕

任之自此東至浮橋一百二十八丈爲繁段又

郡佐于公任之而慕公實兼總其成經始于十年三月

之朔日底績于六月之三日乘上江水漲預募數千夫備淘河諸器然後決大壩資水力以衝之而沙土無停咸湫諸海卽所生海舌亦爲消滅可謂勤且敏矣時值大荒之

餘赴役者盡屬饑民計工受食無不子來恐後載道懽呼  
則救荒之法莫善于此是歲夏秋之交六旬不雨百川咸  
竭而江湖新至霑漑三邑轉枯成穰卽巳未大旱千里赤  
地而三邑被灾稍輕庚申大水西成巳絕而歸墟頗駛麥  
地可耕此爲蓄爲洩水利之有補于農田章章可據則備  
荒之法莫善于此猶未巳也懼潮水之挾沙以入而天妃  
鎮之石閘以建併三閘爲一座分三洞以洩水其議悉主  
于慕公而襄其成者前分守道韓公周佐也時久漸圯  
茲復拓其域而大之築其基而堅之濬月河分其流以殺

之用計久遠爲百世利又慕公主之而董其事者今分

守道祖公澤深也獨是潮沙之入灣處必停蘆茭之根淀

積尤易古人之論刷沙如鐵帚木屨諸制恐屬空言不若  
就本河兩岸按佃責成定于每年仲冬各撈去其圩旁沙  
草則歲有蕩滌人自剪除力不勞而功倍一經飭行可爲  
成法是在司牧二邑者傳曰觀河洛而思明德又西門豹  
爲十二渠旣成曰令父老子孫思我凡有功德于民者遺  
澤必留于永久安可使後人不詳識其本末乎愚生幸躬  
勦盛事聊述見聞俾江鄉父老傳誦不衰將舉前後文移

碑記勒成一書以垂于後竊先記其始末如此

慕公疏河救荒議畧竊惟三吳治水無他術也惟使太湖之水導入江海而潮汐亦可上通以

時蓄洩則旱潦無虞自三江湮塞震澤汎濫以田為磬而

蘇松常諸州縣及浙西三郡受患日深上年水患瀰漫四

野流離疾苦不忍繪圖憲臺軫念民生首飭議浚劉河以

通水利又謂吳淞江出海處久成平陸工繁未可輕議以

專力劉河為第一急着本司遵行蘇松二府詳加確勘申

覆在案本司載考舊志披閱新圖按湖水之奔趨而東也

一自澱泖從華亭之南折而東北入海者為黃浦一自吳

江長橋歷長洲崑山青浦嘉定至上海合黃浦以入海者

為吳淞江一自吳縣鮎魚口北經郡城由婁門抵崑山合

新洋江至太倉歸劉家港入海者為婁江即今劉河也自

吳淞入海處沙壅茭叢昔夏忠靖公引黃渡以西之水北

入劉河是劉河一綫為淞婁二江之尾間合蘇松二郡民

命所攸關矣浚之寧可一日緩哉但在蘇則亟望劉河之

深廣而崑太嘉為尤切在松則必圖吳淞之成渠而上青

為尤近兩府所議各就切已者言之未可為全局通論也

本司規畫再三目前救時之策在急疏劉河將來遠大之

謀吳淞亦所必浚蓋吳淞實太湖洩水之中條其故道較

朝

具

卷一

五

農功有農功而後裕 國計若惜一時之費將來海口淀  
 沙劉河之涓流亦塞必至水灾洊告一歲且蠲數十萬今  
 合計兩工不過十四萬金而田工無患 國賦常克一勞  
 永逸功在斯時昔海忠介開吳淞留漕十萬石佐以協濟  
 贖罰等不兩月而功成敢請憲臺俯賜會 題于蘇常九  
 年漕折內暫留四萬兩以應劉河夫工十年漕折內再留  
 五萬兩又浙省協濟五萬兩以應吳淞夫工仍比歸仁是  
 例暫開援納捐助補此正項錢糧卽于是月擇吉施工皆  
 憲臺爲萬年 國脉百世民  
 生起見用敢敷陳伏乞採擇

開江始末

崑山邑紳  
盛符升著

言水利于江南必以三江爲稱首三江者皆震澤之水所  
 從洩也然東江在南納澱泖諸湖之水自海塘築而入海  
 舊蹟湮沒莫考今諸湖北行盡歸黃浦矣婁江在北納浙  
 西三郡中吳二郡之水滙于婁關入劉河而注海惟所謂  
 中江者直承太湖下流則吳淞江是考之前志自吳江城  
 南北迅駛東趨合獨墅陳湖歷長洲崑山青浦嘉定以至  
 上海其勢逕其流急故昔日之江形爲最大由虬江出宋  
 家橋孤行入海者其故道也自宋歷明淤塞屢見其故何

哉或曰垂虹橋建再甃石塘而湖水折趨東北出澹臺寶帶間此源之失也或曰廣通有壩而宣歙九陽之水出蕪江而不入太湖長河有壩而天目諸山之水下錢江而不入太湖此亦源之失也或曰夏忠靖之開江棄夏駕以東不復經理而掣其北支之水從新洋夏駕兩注婁江又掣其南支之水從范家浜入于黃浦由是江之中段竟爲塗漲此委之失也或曰周文襄立表開江始復故道未幾海口尋塞海忠介大開黃渡以東六十里林御史大開黃渡以西三十里未幾海口又塞此亦委之失也嗚呼故明三

百年來巨公偉績章章足紀而自後觀之其措注尙有遺議開江豈易言乎故曰非常之功必待非常之人而其人之才之識非辨其源委而綜理之未可以輕議也非合其終始而熟計之未可以輕議也非相其緩急審所趨避而利導之未可以輕議也自順治九年工科 胡公之駿有請

開吳淞劉河一疏巡按御史 李公森先毅然飭行然止濬

劉河未克告成而罷及康熙九年浙撫 范公承謨有移詢

吳淞劉河淤道之咨巡撫 馬公祐博求條議採擇施行

然亦急濬劉河而謂吳淞工費浩繁修復未易其力主並

浚身荷全功以期必濟者實惟今中丞 慕公也公時爲方伯有疏河救荒議如所云救時之策劉河固宜急疏遠大之謀吳淞亦所必浚則兼論之者有然又云劉河雖開止洩震澤半面之水其滙納泖澱奔湧淞江者仍未宣通則專論之者有然于是親履江上實覈土方計十萬金可濟厥事而 馬公深韙之會同總督 麻公勒浙撫 范公合詞具題幸奉

俞旨以蘇松常三府九年漕折銀九萬兩杭嘉湖三府九年漕折銀五萬兩並克兩江工費而劉河工竣吳淞之役旋

興矣其地自黃浦口起西至徐公浦凡七十二里計一萬二千九百四十六丈除河形尙存無事開挑者實一萬四百九十一丈以河面十五丈底七丈五尺深一丈五尺積算之計土十七萬七千餘方又除低塗窪下可省挑工者實十三萬一千四百三十九方每方用夫十四工僱民夫一百八十四萬一百五十七工每工給直五分合之閘工實用銀一十萬一千餘兩以十年十二月初八日起工至十一年四月二十六日竣事其專理浚務者分守道 韓

公

周佐

分董河段者蘇州郡佐師公

佐

松江郡佐王公

永熙

周

公

祚昌

而定條約核簿領經營而勸相之者 慕公獨兼受

其成焉竊謂今日之開江異于昔年者有五昔棄塗漲三十里盡成甌脫今且禾棉遍于江壩高下皆爲沃壤矣昔開虬江以達宋橋濁潮得以直入江水力弱不足刷之故海口善闕今且紆而導之滬瀆會黃浦以入海海潮之入浦者七八入江者一二而泥沙之淀積者少矣昔開大江必開支河小涇旁爲導引今且併力一江增加深廣遂得百里通流矣昔時興役或四郡起夫或參用兵伍至有驅而就工家人泣別者今且軫卹兼行饑民以赴工爲就賑

人盡子來懽呼溢路矣昔之開浚多在無事之日今則海禁猶嚴江防須飭自浦口石閘旣建姦人無從闌出而伏莽潛消不但蓄洩有時抑且譏察有地矣是其非常之功可以策萬全可以利百世以視夏周林海諸巨公不有踵事而求其無弊者乎方今二江循通而東江上流諸湖水亦趨黃浦以入海則太湖之委盡得所歸在夏書曰三江旣入敘禹功也愚將更爲今日之揚州志之時江工旣竣更有足紀者初 馬公具題深念度支之匱議將所估工費均派六郡分年按畝抵還漕折而工科 柯公聳于江



浙水利疏中言被灾州縣家室流離又欲輸還此銀豈不重困乞准克開濬不必議還遂獲全邀蠲免此皆我

皇上仁愛如天惠澤下流方與江河並永而亦一時匡濟諸大臣弼諧中外相與有成故克告成功俾東南長享安瀾之福也是不可以不書

巡撫馬公疏畧

議疏劉河吳淞淤道亟濟灾患飢民以修水利以重國賦事按蘇屬劉河口松屬

吳淞江乃江南蘇松常浙江杭嘉湖六府洩水咽喉疏則六府同其利塞則六府同其害九年湖水汎濫人戶流亡總由劉河吳淞入海水口淤塞之故臣念國課民生關係重大委官丈勘應開劉河淤道二十九里總計人夫三十九萬八千四百一十二工建開三座每座工費千金約共需費四萬兩應開吳淞江四千三百五十一丈應濬新

溪口等處七千五百餘丈併修復舊址壩閘約共需銀十萬兩請將蘇松常三府康熙九年分漕折銀九萬兩浙省杭嘉湖三府漕折銀五萬兩留充疏濬河工經費俾各處逐荒饑民就近上工趁會是修復水利之中兼行拯濟之事一舉兩利恐不允議留漕折再議將估計之費一十四萬兩均派蘇松常杭嘉湖六府屬去年被灾州縣分年按畝輸解抵還漕折合暫那庫銀一萬兩興工築壩分段挑濬劉河矣其吳淞江淤道當候部覆次第舉行

工部覆疏

查劉河吳淞江該督撫既稱疏則六府同其利塞則六府同其害又經該撫親往劉河勘視形勢相看准其建開開濬仍請勅下該督撫速行興工并將工費銀兩嚴加核減工完造冊題銷可也

戶部覆疏

查得江寧巡撫馬會同江南江西總督麻

松常浙江杭嘉湖六府洩水咽喉應建開濬需費十四萬兩請將蘇松常三府九年分漕折銀九萬兩浙江杭嘉湖三府漕折銀五萬兩留充疏濬河工經費恐不允議再議均派六府被灾州縣分年按畝輸還漕折等因查漕折

銀兩係解京撥餉自不應支給修理河道但該撫既稱河道阻塞地荒民移若修此河六府同利兼行拯濟飢民等語相應將蘇松常三府康熙九年漕折銀九萬兩杭嘉湖三府九年漕折銀五萬兩准其留用其動用過銀兩造冊報部查核至該撫既稱六府被災州縣俱貧窮小民若從新按畝多派徵還甚加苦累相應停其派徵可也

巡撫馬公彙報完工疏畧

看得蘇屬劉河口松屬吳淞江府諸水滙歸入海之咽喉先因淤塞百年於康熙九年夏月霖雨連旬湖水汎濫積水三月不消農工費棄人戶流亡臣念國課民生關係重大又准總督臣麻浙撫臣范咨商疏濬劉河吳淞故道俱稱為第一急務臣隨會疏題請開濬俾各處饒民就近上工趁食于修復水利之中兼行救饒之事荷蒙

皇

上俯允部覆准留江浙二省康熙九年分漕折銀共一十四萬兩以充工費令臣等速行興工并將工費銀兩嚴加核減工完造冊題銷臣遵將兩江工程與司道等官悉心籌畫因俱係大工一時難以並舉是以濬完劉河接濬吳

皇

淞其應開土方僱募饑民建造閘座遴用督工各官莫不逐一規畫務期錢糧釐毫皆歸實用水利可垂永久今工程次第告竣謹將開濬丈尺用過夫工及起工完日期并經理各官職名為  
上逐一陳之臣查劉河自鹽鐵口起至航船港以達海口計該五千一百八丈挑濬河面濶一十一丈底濶六丈六尺深一丈積土四萬四千九百餘方勘原舊河身有尚存一綫及淺窪處所扣除外實該挑土三萬三千九百四十方零每方用夫十四工僱募民夫四十七萬五千一百六十九工零內築大壩副壩一十條支港水口築小壩一十條于康熙十年二月二十六日起工至十年五六月內完工其專董江工係蘇州府已故同知于階分督夫工係原署太倉州印革職通判吳江偉嘉定縣知縣趙昕崑山縣知縣董正位也吳淞江自黃浦東口起由新涇口至施家港止計該一萬四百九十一丈挑河面濶一十五丈底濶七丈五尺深一丈五尺積土一十七萬七千餘方內有原舊江形及低塗溝窪之處扣除外實挑土一十三萬一千四百三十九方零每方用夫十四工僱募民夫一百八

十四萬一百五十七工零內築大小壩一十六條又支港水口築小壩一十一條于康熙十年十二月初八日起工至十一年四月二十六等日完工其專理開濬事務係分守蘇松常道參議韓佐周分董江上係蘇州府同知師佐松江府同知王永熙通判周祚昌分段催僱工程係松江府照磨竇爾楊等一十四員察核劉河吳淞二江錢糧夫工係布政使慕天顏也又查劉河原議建閘三座約費工料銀三千兩臣又與司道各官覆勘情形若于一處分建三閘恐閘基單薄不能堅久故于天妃宮地方總造大閘一座分列三洞洩水雖工費稍加實可一勞永逸吳淞江于黃浦口建大閘一座臣又思兩江閘座與內地不同恐閘門被潮往來衝擊未能堅久故各于閘旁四角修築石岸護塘加釘椿木以圖永遠查劉河閘座已于康熙十一年三月內完工吳淞閘座已于康熙十二年正月內完工劉河各項工料共實用銀三萬一千六百八十二兩八錢七分零吳淞江各項工料共實用銀一十萬一千一百七十九兩一錢二分零此係臣節經駁減核實應銷之數取各官印結在案至于兩江土方丈尺夫工等項數目與原

疏有多寡未符者因原估係約計之數今係濬完核實之數又查奉撥江浙二省康熙九年漕折工料銀一十四萬兩浙江省該銀五萬兩已經照數解到濟用其蘇松常三府屬漕折銀九萬兩內已據糧道催完解司濟用銀七萬二千七百八十七兩一分零尚未完銀一萬七千二百一十二兩三錢八分零已奉

上諭停徵內除節省銀七千一百三十七兩九錢九分零毋庸撥補外尚缺停徵銀一萬七十四兩九錢八分零查蘇松糧道有各屬續解及

奏銷原報解存康熙九年漕折并十一年帶徵九年漕折共銀五千三百八十八兩七錢三分零堪以抵用外仍缺銀四千六百八十八兩二錢伍分零據該藩司請于康熙十年分撥存地丁各屬續完現款充抵建閘應給工料劉河吳淞兩江通共實用工料銀一十三萬二千八百六十二兩零今既據該司造冊呈詳前來除將冊分送戶工二部查核外相應題

報聽部核銷

慕公布政司詳文畧

查議于吳淞劉河二江洩震澤之東  
流通吳浙之水利荷蒙 本部院會

疏具 題欽奉

俞旨准留漕折十四萬兩以充兩江夫工之用今劉河募工  
開濬業已告成見在督建石閘採辦興修彙核確冊造報  
外惟吳淞一江湮塞多年半成平陸施工之艱鉅數倍于  
劉河動帑之報銷實關於兩省丈勘估工以及引導浙水  
通流泖澱非規畫審詳確有成竹未可遽興拾萬之工永  
垂千年之利也茲蒙 憲檄諄諭詳議妥確誠有見于此  
工之不易本司斟酌時宜上關 國帑下益民生曷敢不  
慎重于經始哉夫動銷至十萬之多計工非五月不可今  
議專官以董其役覆勘以覈實數分限以速竣工建閘以  
期永利而通浙塘疏上流清占賦分洩口均屬要務亟當  
指畫次第舉行所謂董役之任吳淞道經雲間自必專責  
于松府專委知府耿繼訓即日單騎親履循其故道覆加  
勘丈估計工程將來收支出納責之經手一意料理清造  
報冊其董工事宜今委高同知臨河坐督估勘既定九十  
月農隙擇吉開濬來春式觀厥成第吳淞亘二百六十餘

里雖該丞倅日坐河干上青二令分頭催理而有限之耳  
目安能遍及議將吳淞丈見應濬數目分別難易工繁者  
促其里程工簡者袤其弓丈配搭適勻分爲八段每段委  
典史巡檢官一員日逐點視夫役稽察勤惰所謂勘覈之  
實者吳淞江東起新涇口迤西赤雁浦至黃渡止共濬河  
一萬一千八百餘丈此松守詳院具 題之數也查水利  
通判趙晟冊報上海應濬河十段共丈見九千八百七十  
七丈五尺又青浦冊報應濬河段共丈見一萬六百七十  
一丈零較之前疏已逾尚據趙通判冊稱蘇屬崑嘉未經  
丈筭則河身丈尺頗多不符應令蘇松二知府親往覆丈  
將吳淞江實應濬若干丈計其現在平陸若干墾占若干  
淤淺若干深濶若干加濬若干共開河面十五丈爲率查  
照劉河則例核筭土方備造細冊本司當躬往覆勘劃分  
段界然後定夫工銀兩實數而一應必需之料先時整頓  
并稽劉河貯存移用稍補萬一也次則課功程限如分段  
計夫視土方之多寡立椿登數依地勢之高卑均未可泥  
爲一則而領率衆夫不得不仍用夫長則上青嘉三縣塘  
長一役應責該縣造報十年現輪若干名十一年新充若

千名分任其勞約束四方募集民夫每一委官分河段若干號止責塘長督催挑岸早作暮輟察記陰晴較量勤怠而工食必須正官眼同鄉耆計口散給以杜尅減并禁衙役票拘里夫之擾從九月中旬築壩岸水十月初啓工至十二月中旬每段限完工三分之一又從正月月中旬至二月下旬共五十日務期全完三四月間造閘修岸勘闕補工則洋洋巨川克復禹疏皆在此冬春五月之功也若浙水之宜通者惟秀州一塘來自嘉興溯源苕霅東歸黃浦北入松江而泖橋黃橋斜塘石湖古浦在泖之東朱涇泖港橫潦沈涇在松之西皆引秀州塘之水以貫穿于松江之界由通陂達顧會而并入吳淞者今當相度要津歸聚之處如有淤淺茭叢酌爲疏導并起廢橋磯石去其阻而兼佐閘工則浙西三郡同其利矣太湖水入吳淞如吳縣胥口吳江長橋長洲實帶橋崑山夏駕浦等水口協力浚掘使之深廣惟在廉能守令善爲經營毋致附近居民憂滋差擾則上流暢而咽喉無益斷之病矣吳淞廢棄多年新涇以東盡成平地墾爲田者有之藝爲圃者有之今應飭查已經陞科者何年入冊稅畝未經報明者何人耕占

舊疆分爲二冊開明某都某戶甲某年科則若干納糧若干應與豁免編徵隨河工告成請除其額如果係無糧官地而成孰已久者止查明何人何年耕占不必深求往弊則占賦清而小民無咨怨之聲矣更議黃浦合江之口恐濁潮橫溢宜分泄其水勢如大盧牧瀆之間可貫上海城壕引注薛家肇家等浜旣通潮候又殺衆流而新涇蒲漚松民向日力請宜開者亦分洩之一途今尚通流應責上令議民自爲深廣之本司前議源多勢盛患于合而利于分尤當出浦之際加意用力則避沙衝瀉可無旋開旋塞之慮矣是皆吳淞最大之事敢爲縷陳之

### 慕公布政司完工詳文畧

吳淞大工本司因有錢糧責任未能日夕赴督請委分守蘇松

常道參議韓佐周總理又詳委蘇州府同知師佐松江府同知王永熙通判周祚昌分董江工據松江府及上青嘉三縣勘報吳淞淤道丈尺土方數目前來自黃浦東口起由新涇口至施家港止計有一萬肆百九十一丈該道廳逐一丈勘應挑疏河面濶十五丈底濶七丈五尺深一丈五尺積土一十七萬七千餘方內有原舊江形低塗溝窪

之處扣除不用外實該挑土一十三萬一千四百三十九方每方用夫一十四工應募夫一百八十四萬一百五十七工其中應截大小壩十六條小壩十一條編分河身為十四段委官竇爾揚等一十四員依號催贖於康熙十年十二月初八日啓工該道躬駐河干日夕點視設立規條唱散工食絕不假手吏胥露宿雨馳者凡數月至康熙十一年四月二十六等日竣工報完開壩

重濬白茆塘始末

常熟邑紳  
蔣伊著

江南之水以海口爲歸而海口之在我虞山者尤衆舊有二十四浦皆注江入海以宣洩爲功若白茆塘則江海交滙處也自宋以前二十四浦皆通利害不繫於一塘故言水利家不聞有及白茆者迨諸浦並塞而白茆與福山黃泗許浦稱四大浦焉考之前志開白茆者自宋景祐二年知蘇州范公仲淹始淳熙二年轉運副使姜公銑再疏之及元之季張士誠據吳起兵民十萬命呂珍濬治長九十餘里廣三十餘丈此白茆之一大濬也明世役凡五舉永

樂二年則有夏尚書原吉弘治七年則有徐侍郎貫嘉靖元年則有李巡撫充嗣隆慶三年則有海巡撫瑞萬曆六年則有林御史應訓成蹟章章足紀而李公嘉靖初一役以雙廟至海口勢趨東北江沙易壅從主簿俞浪請移就東南鑿新河三千五百餘丈入海較便此白茆之一改濬也然白茆之易淤視吳淞劉河爲尤甚其故安在或曰白茆地形高仰導之使北水反南下宋臣郊亶之論則然蓋虞山以北江多漲沙慮潮汐泥沙之日侵于外也或曰傷河之民利河之淤占爲農業故明臣汪濬嘗往濬之耄倪泣卧隄上向濬求免僅鑿三堰去叢葦而止慮告佃陞科之日侵于內也或曰塘口爲橫沙所梗塘內爲新田所礙塘之左右爲橫瀝鹽鐵諸流所分故明臣俞諫始議開之終更難之慮支河旣多水分力弱不足以刷沙也卽建閘海壩時其啓閉而海水嚙之閘亦盡廢此明臣張博已事不可不鑿也開白茆者不甚難乎雖然白茆一塘受蘇常二郡之水其自北而南也由梁谿之謝蕩華蕩達于昆尚兩湖其自西而東也由長洲之陽城相城亦連于昆尚兩湖而郡城之元和塘水皆北下崑邑之巴城傀儡諸湖水

並東趨非有幹河爲之宣洩安有不汎濫者自白茆旣塞而兩郡尾間僅藉七浦之一線勢不能以驟達凡錫虞長崑四邑交會地如潭塘唐墅諸鄉鎮水泛卽滄百里皆成巨浸或田間積潦經冬不枯此白茆之不可不開不待再計而決矣况支塘東北爲婁虞之界地皆高亢白茆塞而水脉旣絕茅葦膠固長爲石田其爲患也有不獨在于水田者乎 撫部院慕公目擊民艱思所以修復全河者先於敬陳足 國疏內首論白茆之當濬復於再陳水利疏內將白茆孟河詳具道里及土方工費以請於是

特旨褒嘉僉謀允協而百年廢墜舉於一日矣今總其成而計之自支塘管家涇歷閘口龍王廟至海口大馬橋共長四十三里得七千八百五十六丈分爲十段常熟任其四太倉任其二無錫江陰長洲崑山各任其一酌遠近分難易而總以土方之多寡爲率此其分段之均平也積土七萬一千方用夫九十九萬四千工又築壩岸水二萬工支給正帑四萬餘兩每工四分五日一給而尅扣侵欺之弊以清又立聽夫認方法一夫以三十工爲率寔用夫三萬四千人統攝易稽察亦易而擁擠曠墮之弊亦清此其馭



夫之盡善也自二月初三日興工以四月二十九日竣事其赴工者率皆饒寒待賑之民農事未興藉以糊口東作將至役夫並休其寓賑于工而工不妨農者用意特至此其程限之得宜也至于勘丈畫方募工辦料量淺深稽勤惰察奸弊恤役夫自始訖終皆糧道劉公是賴公之惠在虞民已非一日而於是役也復悉心經理加意拊循故赴役者踴躍恐後易於告成厥功甚偉此其任人之至當也聞之吳中父老言水利者迄今頌夏尚書海巡撫之功不衰然夏公之績特著于吳淞劉河兩江最後乃及白茆一役用法甚峻相傳赴工之夫有泣別其家人者尋以引嫌去位其工中輟豈若今日之十年以內吳淞劉河白茆孟河四大役相繼並舉而工費給自公帑民間不聞有庸調之煩公帑多由措注

國家不致虧正供之額其經畫之詳慎裨益之弘多正未可以歲月計哉至如海口石閘未竟厥工濁潮漸積捍之無具此澱淤之端也淘河刷沙之策宜定於今加修歲浚之方有藉於後昔有決坡塘以宣霖潦激濁水以浸原田者

民歌之曰前有召母後有杜父美相成之有其人也念宋明以來從事白茆者大役八舉而淤塞時聞安可不為之早慮乎是所望于仁人君子長計而善成之矣

撫部院慕 請開白茆孟河疏畧 再陳水利當修亟請開濬兩河以裕國課民

生事江南賦稅甲于天下蘇松常鎮課額尤冠於江南凡所以佐天庾而充國用者無一非藉農田之收穫苟水旱之失宜必致災祲叠告則廣渠資漑之籌誠東南第一急務臣先于遵旨敬陳足國疏內請將蘇常鎮淤塞諸河大興疏築為萬年永利部覆以臺臣王條奏各省水利當興之處責令所屬官員預為築塞疏通已經通行應無庸議咨行到臣竊臣謬膺封疆重寄地方事宜苟可以拮据經理節帑恤民者何敢不盡心督責黽勉措置而必上瀆聰自干輕率之咎哉寔緣力絀工鉅不得不請開捐例濟

用耳今夏霖雨連綿河流四溢田地沉淪廬舍更多漂沒臣疚心疾首力督司道府州縣各官多方設法宣洩分頭挽救而附近劉淞之太倉嘉定吳江婁上等州縣俱藉兩江出瀉旋溢旋消雖告被水幸不重困華亭并未告災崑青災亦無幾長洲無錫去兩江稍遠東南之水不能驟消西北諸流奔江無路田禾漂沒甚多宜興首當高溧諸山下流亦賴震澤轉洩雖東南一面稍沾劉淞導引之益然較長崑等處更遠西北全無出水之路故受災倍于他邑若夫常熟武進江陰金壇等縣既與劉淞絕隔惟藉大江滙歸其如本地出水要口在在湮塞遂致積雨成壑臣從權救濟將江常二邑沿江一帶通潮小港馬路築埂之處暫行疏導出口隨于洪水泛濫無歸等事案內題報在案此不過救急一時稍平水勢旋即堵塞亦非久遠之圖也臣前疏請濬白茆港孟瀆河福山港三丈浦黃田港申港包港安港西港七丫等處蓋既鑒上年之奇旱預料今夏之大澇從長籌畫寔非泛言雖部議未邀即允然關切地方民事豈容緩圖臣再四區畫先擇其工易而費簡者若七丫一帶業已勸民濬滌淤沙通崇明之運道福

山港三丈浦道縣各官詳據里民自願分段疏通再如黃田申包安西等港另行酌量緩急多方設法次第興舉外惟是常熟之白茆港係蘇常諸水東北出江第一要河按震澤之水北注于洋澄巴城等湖而江無諸邑接受宜溧諸山之水又迴環而聚于華蕩尚湖等巨瀦咸賴白茆漚歸入江自明季失修湮塞成陸旱則潮汐不通澇則宣洩無路若此港一通不惟常熟水旱無虞即崑山長洲太倉無錫江陰無不共沾其利又武進之孟瀆河係常鎮諸水歸江要道凡高溧西北諸水競趨東向則流注于宜興金壇更轉瀉于丹陽武進惟藉孟河一口出江今亦年久失修河身壅積武進以西丹陽以東宜興金壇以北諸水歸江阻道于是水旱並災人力難施矣此兩河者蓄洩之利等于劉淞淤塞之形亦不亞于劉淞今劉淞疏通蘇松常資其益者甚鉅白茆孟河淤塞蘇常鎮受其害者亦復不小此臣身在地方目擊親切日夜籌畫而不敢忽者也是以分委道員細加察勘茲據副使劉鼎參議祖澤深勘估議詳前來查白茆白常熟支塘起迤東以至海口淤道四十三里共長七千八百五十六丈應濬深闊不等總計人

夫九十九萬四千工并議修大閘一座與夫築壩岸水等項共需費五萬六千兩孟河自武進奔牛鎮之萬緣橋起至孟河城北出江淤道四十八里共長八千五百三十三丈應濬深淺不等總計人夫八十四萬工并議建大閘一座與夫築壩岸夫幫岸等項共需費四萬八千兩兩河共需費十萬四千兩據各該道請飭劉淞事例先動正帑濟工不惟水利克修見在望賑飢民得以赴工趁食不設賑而民得全活寓賑于工數善兼備并請展事例捐補還項則正帑仍無虧損敢懇我

皇

上俯念財賦重區年來災患洊臻小民困敝准賜允臣所請先動正項興修利農田而全民命以培萬年之邦本倘部臣拘例惜費不能亟治無論從前之蠲賑虧課固不可勝計萬一再遭水旱災免之數倍此工費國課日損民生日蹙矣此項工費之補苴查見展賑濟事例補足賑項即應停止仍請

皇

上俯鑒于報停之日將見行各例再賜寬展量不數月可得輸助足用若夫委員監督確核料工臣惟悉循劉淞舊例再酌時宜相度周詳務期大工速于告竣錢糧力圖樽

節確定報銷斷不敢虛糜延緩自干欺飾之咎至于河身  
向水淤沙報陞田糧為數無多容俟工竣察明挑廢另  
請除豁合  
并陳明

督糧道劉詳文畧

國賦全賴農功農功全資水利此經  
國養民之至計也邇夫吳中治水惟

曰三江既入震澤底定今婁江吳淞之淤已蒙動帑開浚  
太湖中條之水得以宣洩無虞白茆為太湖未流尾間淤  
塞多年為害日甚蓋太湖之流由長洲無錫東注者藉白  
茆以歸于海白茆一塞不惟常熟為壑即長洲無錫等處  
水無所洩亦汎濫而頻受其患矣此疏濬白茆誠為目前  
急務茲蒙院臺飭議開濬檄委本道查勘遵即督同常熟  
縣知縣林象祖前注察視自支塘迤東以至海口計長四  
十三里內自支塘至管家灣丈見三百六十丈見在水深  
五尺河面濶九丈管家灣至曾家浜丈見三百一十八丈  
七尺見在水深四尺河面濶四丈二尺曾家浜至渡船橋  
丈見二百五十丈見在水深四尺五寸河面濶四丈八尺  
渡船橋至湯公嘴丈見三百一十五丈八尺見在水深四

河面濶三丈六尺湯公嘴至八尺廟北首新橋丈見一百  
九十丈八尺見在水深三尺五寸河面濶三丈二尺新橋  
至宓家浜丈見三百十五丈五尺見在水深四尺河面濶  
三丈三尺宓家浜至岳廟丈見二百五十五丈見在水深四  
尺河面濶四丈岳廟至新字號丈見二百五十二丈七尺  
見在水深四尺河面濶三丈六尺新字號至歸家市白茆  
橋丈見一百九十一丈七尺見在水深五尺河面濶三丈  
白茆橋至烟塾丈見三百七十二丈五尺見在水深三尺  
河面濶三丈三尺烟墩至花園浜丈見四百三十五丈見  
在水深三尺河面濶三丈花園浜至八潭浜丈見三百丈  
見在水深三尺五寸河面濶三丈二尺八潭浜至孫哥浜  
丈見三百二十二丈五尺見在水深三尺八寸河面濶三  
丈孫哥浜至張家市白茆橋丈見二百六十五丈見在水深  
二尺五寸河面濶二丈八尺張家市白茆橋至雙浜口丈  
見三百五十三丈見在水深二尺河面濶二丈五尺雙浜  
口至七崙每字號丈見三百丈見在水深二尺河面濶二  
丈一尺七崙每字號至栢家港丈見三百九十五丈見在  
水深二尺河面濶二丈栢家港至開口丈見二百六十丈

見在水深一尺五寸河面濶一丈八尺開口至新廟涇下  
 日字號丈見九百七十九丈見在水深尺許河面濶一丈  
 下日字號至龍王廟橋丈見三百六十八丈三尺見在水  
 深一尺五寸河面濶二丈龍王廟橋至八畝蒙字號丈見  
 三百三十五丈見在水深二尺河面濶二丈蒙字號至白  
 茆大馬橋丈見四百四十四丈五尺見丈水深四尺河面  
 濶六丈大馬橋至海口丈見二百五十二丈見在水深四尺  
 河面濶六丈以上河身共長七千八百五十六丈其支塘  
 以西新市等處雖有八尺七尺之深較諸支塘以東之河  
 底則又低及二倍以內低外高形同釜底之渠欲期巴城  
 洋城等湖之水入海其可得乎前水既不能出後水  
 又復擁至則中滿溢潰淹沒田廬勢所不免此又急應挑  
 通之大畧也第開挑之計不必求古道以循三十餘丈之  
 濶亦未可舍上流而圖權便當依見在水勢酌議自支塘  
 至開口地方計三十里長五千五百一十七丈二尺應開  
 河面濶十丈底濶五丈五尺濬深一丈二尺開口至海口  
 地形漸高河身凸起計一十三里長二千三百三十八丈  
 八尺應開河面濶十丈底濶五丈濬深一丈五尺庶與上

流河面相倣而河底得一例深通矣然既疏白茆非止遇  
 澇而求瀉四集之水兼期遇旱而通灌溉之潮查栢家港  
 相近猶存舊閘一座雖年久傾廢淤沒土內挖驗底裏尚  
 可修整苟因其故有重加修建以司啓閉似亦蓄洩萬全  
 之策惟是欲舉大工首籌所費今就開濬白茆港工費計  
 之支塘至海口共長七千八百五十六丈每土上下四旁  
 各一丈為一方以深濶積算共該土七萬七千六百二十  
 一方內扣除見在水面深濶不計土方外實約挑土七萬  
 一千方每方用夫十四工共該夫九十九萬四千工每工  
 給銀五分該銀四萬九千七百兩又應築大小壩一百五  
 六千條并岸水填泥等項各匠夫工物料又約需銀三千  
 三百兩修建閘座約需銀三千兩此倣劉河成例又加  
 核省共約需銀五萬六千兩當國用殷繁之際似應烙  
 開濬劉淞例先動正帑濟工請開捐納事例補還其白茆  
 灘漲之地多係人民開墾報陞錢糧今若開挑必烙河面  
 丈尺將土挖去此外又須高築崖埂則已墾報陞之地既  
 復挑廢自應各烙河崖所占察明造冊按數請豁庶免墾  
 戶賠糧之累至于審度形勢分段派工委員查催料理向

有成規應俟興工之日因時制宜者也

### 撫部院慕 開濬白茆孟河條約

為照開濬白茆孟河每處動費公帑數萬蓋為

國計民生計久遠也本部院特疏劄陳得邀  
 允凡募夫濬築建開等項事宜若不詳定條約慎始圖終  
 何能克濟大工本部院稽諸往例參以時宜酌定切要條  
 約除行糧道守道詳委幹員分督并將分段丈尺築壩地  
 名詳報及飭藩司動撥錢糧定擬二月初二日開工外示  
 仰該屬官紳士耆里民人等知悉開濬白茆孟河本部院  
 既為國計民生籌利永久兼以寓賑于工使災黎就工  
 趨食不致失所凡應用夫工物料俱動正帑見給募備並  
 非起撥民夫派取行戶即鄰近分段協夫亦止令其齊夫  
 赴工按名給食亦非白役差徭如有不肖官吏因恤民瘼  
 縱蠹濫差苛派婪索及尅減工價措置失宜凌虐夫役妄  
 行私斂藉端折乾違例肆擾通同冒免等弊許被害之人  
 據實赴控或本部院親臨察實以憑嚴加參處爾赴工人  
 夫亦須確遵條約盡力畚插亦不得偷安草率冒工曠尺

日察出并干重懲所有應行條約開列于後 一濬河查

白茆港應濬七千八百五十六丈分為十段常熟應挑四

段太倉應挑二段無錫江陰長洲崑山應各挑一段孟瀆

河應濬八千五百三十三丈分為十段武進應挑四段丹

陽應挑二段金壇無錫宜興應各挑一段每段之長短當

分難易總以土方之多寡為率如淤塞平陸則挑土用夫

工多而丈尺宜減如現在通流有水二三尺三四尺不等

者則挖深開廣用夫工少而丈尺宜增然通水之處必須

先行車岸則所用之車夫工數又應與濬夫統計而論該

道廳官親加勘丈絜度淺深核算畫定丈尺土方確數分

界樹標築壩責令應濬本段之州縣募夫開挑照原詳題

定河面濶十丈深一丈五尺及一丈二尺底濶五丈及六

丈或五丈五尺務使一律深通于二月初二日起工限六

十日內完竣 一築壩如應開四段內酌量相地築壩二

條應開二段內築壩一條應開一段者亦各築壩一條通

計河身築壩七條所用樁木蘆草夯杵人工悉照劉淞事

例買辦雇募應用工畢即將樁木充建開築塘底樁之用

其平陸之處即留宿土為壩基止須加樁毋事夯杵矣至

支河港口應築小壩不過一二丈工費無多亦須逐一勘  
 明做劉淞例遵行一募夫當災荒之後饑民赴工就食  
 既有現給每工銀四分似必踴躍奔趨原無俟于派撥但  
 為工甚鉅恐四方之民應募散雜不得不議統領稽察是  
 以分段分縣募解今計白茆應用夫九十九萬四千工孟  
 河應用夫八十四萬再加岸水築壩約二萬工其間陰晴  
 作輟以一人做實工三十日約該白茆需夫三萬四千人  
 孟河需夫二萬九千人足矣通計該縣區畝責令分募以  
 應每畝募夫若干名明白曉示解夫到工派認土方每十  
 名立一甲長每十甲立一百長督工官逐日點驗上工其  
 担箕繩索鋤鋤係農家所有之物應令各夫自備嚴飭官  
 役務加勞恤毋許苛虐如有逃佚責成百長甲長募頂至  
 該縣催夫差役倘有分外需索滋擾察出官聽參處役拏  
 杖斃一稽工每土一方用十人挑土三人掘土裝担一  
 人為炊此定例也而挑土之人彼此數十步接運息力其  
 從卑至高用力尤難較平坦處接替稍近亦屬不易之規  
 但十四人力作一日即完一方之工次日仍應另開別方  
 如是逐日驗派不勝繁雜且多人擠在一處反覺不便莫

若聽夫認方或十餘人共認幾丈畫界循次挑完或一二  
 人獨認幾方彼自糾夥力作分合多寡悉從其便總以土  
 方之淨盡為主庶無惰曠之弊而驗到一夫應認三十工  
 為率如已認之土未淨中有病逃者扣其應給之工銀責  
 令甲長另募完工逾限不完者亦示懲責一編號凡一  
 段中量准河身若干多不過千丈少則七八百丈每十丈  
 編一字號豎一小布旗書某字第幾號再立一木牌上書  
 某縣應開河十丈核實土方幾百幾十幾方係某都某畝  
 募夫某某花名百長某人甲長某人以備督查卯時鳴鑼  
 催集照號趨赴用工至酉方歇非大風雨不得停輟管工  
 官置簿逐日紀明陰晴完工分數五日一報又各屬解夫  
 恐先後不齊應先飭行該州縣將都畝派募出夫名數造  
 一細冊報解夫批內亦註都畝花名以便查察已未募  
 到填明原冊行催該道驗到之夫點交管工官收派某號  
 隨到隨認土方僉定甲長入簿稽查一標準挑浚河身  
 測驗底之深淺須先於兩岸平地各釘小椿用篋拽平將  
 大椿一根刻定丈尺釘入河心土內椿頂平於所拽之篋  
 謂之信椿及挑去泥土河底顯出椿根即可驗其工完矣

此椿務須量准大率二三十丈樹一椿遇轉灣處又宜加立其估算土方即照此椿頂量去空窪有水之處見出實土折算應濬數目自無虛冒不均而工畢引水之時在河底當心開一水線導水流行如水不到處即係墊高再加挖深必至順流無礙而止此加工多少另給工銀不使偏枯蓋兩岸原有高低去土即有厚薄將除去空土節省之夫工以抵此加深工力諒無不敷而江南河水原無土下急流當晴明無波之候水面甚平所釘信椿即以水面測其高低更為妥協道廳親驗椿式毋許假手微員及胥役人等致干察究一車岸淤道原有河形低窪積水必須岸乾方可施工挑掘而河身漸開漸深到底則多泉湧遇雨又必盈科俱應備車隨時轉岸照給工食每工四分此車應借辦於近地未便責令鄰邑遠載而來竟在常熟武進各鄉酌借車一百部或幾畝合借一車或一畝供用幾日或於就近畝里借車不近河畝里出夫但必預先算定明白曉示不許借端多派擾民事完給還毋致損壞應着督工之耆老照管如或損失責有攸歸該道嚴飭遵行一委員白茆濬淤四十三里孟河濬淤四十八里延袤紆

折若非多委幹員經理何能刻期竣工該道總理責任攸重而監督各工應委總理府佐一員蘇州府海防同知劉三傑松江府同知唐朝宣堪以委任其逐段分委管工官每段應委一員共該十員速查蘇松常鎮所屬首領巡檢典史等官遴用如不足再選能幹教職充任一切錢糧散給造報專責府佐不得轉委微員致滋剋減弊竇各官果能實心任事早完者隨完隨令回任仍優加獎勵如惰窳悞公擾民者不時揭報嚴加處分仍不許多帶衙役生擾地方及凌辱夫役如有此等查出叅處一給銀凡夫工動用錢糧悉係正帑饑民赴工所得日食又奉部議比劉淞事例減去一分每工止給銀四分絲毫皆為民命所關毋容稍有短少今端委府佐官親自鑿開驗明足色足數包封每五日一散給務須躬詣河干唱名手領不得假手胥役任意先後扣剋及攙和低潮如有此弊察出官聽叅究役拿杖斃但散銀之法不能計工算給必以上方為準照其所開一文內認定土方若干分作幾次給發而逐段挨日以次分領周而復始亦不得擁擠於一日之內致有遺失重冒着嚴飭行一監督凡散糧募夫僨程恤役



辦料節用察弊稽奸悉惟道廳是任但興此大工爲百年  
永利務集衆益方爲盡善地方紳廉儒碩必有留心經術  
造福桑梓者該道廣爲諮訪延致商確得德望練達者一  
二人經畫綱領而每段必敦請通達紳士一人常居工所  
指示規式再遴選附近誠謹耆民四人往來河干稽察勤  
惰先將姓名造報本部院查考其有夫役偷安或以強凌  
弱甲長百長卽報耆士問明諭勉如更恃頑不遵條約犯  
法生事者轉聞於官責治以法耆民果能潔已率先督催  
如式早竣者該道給匾獎勵仍報本部院批免雜泛差徭  
如耆民顛倒是非紊亂規條虐使夫役該委官亦卽呈明  
道廳究處毋少徇縱完工之日本部院定當查明紳士之  
廉勤以昭優禮一搭廠人夫輻輳風雨不時自難露處  
又不可借居民屋今動官銀備買竹木蘆蓆於沿河處所  
苦蓋棚廠約一間可容二十人安置鍋竈及畚鍤之具日  
則爲炊爨聚食於內夜則以草鋪棲宿其中不許攬越混  
雜仍速將應搭間數報明本部院查考俟工竣之日拆出  
物料各官點明收貯以備塘工之用不許竊失如違責令  
賠補至附近有空間廟宇堪以駐足食息者該管官查明

安插以省搭廠工費一堆土河中起土若仍堆積於沿  
河一遇雨淋傾卸入河不久淤淺最爲大害今定挑土務  
要離岸數丈毋容貪近積聚亦不得混堆有主田地病農  
誤課此必委官公同儒耆逐號指畫界限違者卽時朴責  
至於河底淤泥每因溼重不行挑淨尤須察視督責或兩  
箇人夫分挑之處初必稍留堤畔及工完亦必共相剗平  
勿致阻碍一恤夫應募人夫皆係食力窮民自應倍加  
愛養方合寓賑於工之意是泥不論夫之壯弱每日挑土  
之多寡總計土方給銀使其同力合作壯者先完而息力  
則弱者雖奏工稍遲亦必挑足其數各自賈勇而前諒無  
諉惰之虞而河心土實比兩邊步擔稍遠又當底淖泥比  
面上乾土加重務須將中心兩邊配搭派認庶勞逸適均  
着管工官實心稽核毋致偏枯又夫役用力恐饒飽不時  
寒暑失節致生疾病應每段延取明理醫生一名每日給  
飯食銀一錢常川在工視疾其需用藥餌將用過數目造  
報本部院捐發不必動銷錢糧一開壩工完撤壩最宜  
慎重務於未開壩之先在壩基之下流挖深數尺寬廣丈  
餘然後挑去壩土緩啓椿木多人夫預備船隻將水面

之壩土盡力起掘就便傾入船內更番運去及至水來湧  
 流向存根底一二尺必難於水底撈掘則乘船用鋤扒泥  
 平於先挖深數尺之內使得一律深通蓋壩址未淨每致  
 從此淤塞深為後患不可不加詳也一建閘通江出口  
 之處相近里許建造石閘所以資蓄洩防旱澇關係甚重  
 如劉河吳淞閘座不久又煩加修皆因底樁不密築塘不  
 固重費工料今白茆孟河建閘預先相度形勢議定基址  
 酌妥規式確估工料造冊詳奪其石料將舊閘所存者作  
 速起出見數若干如有不敷星速召募誠實宕戶先期採  
 辦齊集俟河工將竣於三月內即行興造閘之內外必須  
 修築石塘數丈以護閘身亦先估計冊報毋致臨期查駁  
 稽延悞工至於出海江之處河流應否紆迴以防怒潮衝  
 突着速議妥詳行一豁糧河身久淤積土成陸之處民  
 間墾闢為田者自須查明有無陞科原委即與題豁田  
 糧但其間亦有未科者雖不必深求往弊然應杜其冒免  
 別田之賦今於丈量濬河之先大張告示聽民據實報明  
 應濬某段河內占廢業主某戶某號田地若干原於某年  
 陞徵何則在何都何畝辦糧若干隨即行該縣確查案卷

請免有據者逐一彙造清冊具結呈報以憑於河工完日隨疏  
 院控告嚴行究處亦不許混冒分毫着即遵行

重濬孟河始末

武進邑紳  
徐元珙著

長江之水入自京口歷丹陽經呂城奔牛二閘而南下此  
 江浙運道所從出入也夾岡峻阜勢若建瓴至毘陵水勢  
 稍平復有北注于江者一為得勝新河去城西十五里一  
 為北洞子河去城西十里一為孟瀆河去城西三十里故  
 孟瀆最西先受北來諸水或云以孟城山得名或云唐刺  
 史孟簡所開故名自奔牛鎮萬緣橋起北至孟河城出河  
 渠閘以達于江長六十餘里蓋常郡西北地高懼旱每仰  
 浥于江湖而江湖之入孟瀆最徑是灌溉所必資也丹陽

之練湖宜與金壇之洮滬諸湖霖雨泛漲多溢決于運河  
專藉孟瀆決之出江是宣洩所必需也永樂初夏公原吉  
開之正統間周公忱濬之自嘉靖中以倭警故築堡中流  
故日就阻塞萬曆初雖經挑濬然百年以來江口竟成平  
陸矣聞之明臣林應訓論開孟河有三利一曰漕船自孟  
河徑度江北入白塔至灣頭爲捷徑一曰商民船自瓜洲  
而下一潮可達無風濤盜賊之虞一曰灌溉之利可得良  
田數千頃然自今日言之江口向設木椿以鞏江汛則漕  
船商民船之利尚爲有待所急者首在宣洩次在灌溉而  
已康熙十九年江南大水然七月之初蘇郡水勢猶平而  
毘陵郡城先被滄沒皆練湖及諸湖之水溢入運道奔江  
無路者爲之也向使孟河深通則未至常郡三十里先得  
所洩何至驟漲如是耶先是 撫部院慕公有敬陳足  
國一疏條陳水利如常熟之白茆塘福山港三丈浦江陰  
之黃田港武進之孟瀆河包港丹徒之安港西港太倉之  
七浦甚備且悉早見及此矣旣而有再陳水利一疏專取  
白茆孟河詳計之幸邀

俞旨旋議興工因屬 守道祖公親加相視乃爲按核其淺

深區別其難易如河形雖在而水深尺許者自萬緣橋起北至蒲溝村凡九里如河窄而水涸者自蒲溝村北至窰溝門凡九里如河流已竭者自窰溝門北至大溝門凡十二里如水涸而泥壅者自大溝門起由東迤西至萬歲廟凡十里至河形盡沒地經開種者自萬歲廟北至孟河堡城凡五里其孟河城中有南北通潮大河今已盡架民屋因改從東城之外沿城而北至下馬橋凡三里共長四十八里實丈八千五百三十三丈考之舊籍所載長六十里得九千九百五十丈者工費較節省矣河面十丈河底六

丈其深一丈積土六萬八千二百餘方考之舊籍以九千九百餘丈積爲三萬九千方者開挑較深廣矣分河身爲十段武進任其四丹陽任其二丹徒金壇無錫宜興各任其一而遠近之勞逸爲維均矣募夫當災荒之後赴工者皆待賑之民值農事未興給之口食其子來者踴躍恐後矣五日一發工銀專委府官躬詣河干手爲分給侵漁之弊絕矣至于赴工之人久暫任從其便許令陸續更替以迨賃房構廠醫藥調養事事周詳軫恤之意勤矣以二月十八日興工五月初十日竣事念時屆東作因停建閘以

俟秋冬其告成悉有次第矣此皆 守道祖公移駐毘陵  
 循行河上宣勞而撫慰之故河上之民皆為踴躍而 撫  
 部院慕公實為之經始為之觀成焉其利在兩郡其功在  
 百世不與夏周二公後先媲美哉他若所云德勝新河者  
 南自連江橋由王夏村陸成灣等處達會村以入江綿亘  
 四十里其間膏腴萬頃藉以灌溉固與孟瀆相為表裏者  
 也自萬曆初挑濬年久漸淤旱則涸潦則壅沃壤將為石  
 田矣幸河身尚在受水一二尺不等略加疏導令接江潮  
 便可分注支河以復灌田之利此一勞永逸事半功倍之  
 時也失此不圖積久湮塞其勞費水衡將有不可勝言者  
 凡有地方之責及 當道諸公其更由孟瀆而推之乎以  
 資灌溉以備宣洩其利尤溥故因紀孟瀆之成而兼論之  
 以俟留意興除者之採擇焉

蘇松常道祖

詳文畧

奉 江撫慕部院牌開照得江南  
 賦稅甲于天下大半出于蘇松常

鎮民間輸賦資生惟藉農田豐稔庶幾 國課無虞民生  
 休遂而田功之失收實因水旱蓄洩無賴今夏霖雨連綿  
 如各屬地方處處泛溢此雖天災流行亦由各屬境內河  
 港淤塞以致宣洩無由本部院蒿目時艱亟圖拯救查武  
 進孟瀆河係常鎮各邑諸水出江要道年久湮廢河身墊  
 高幾成平陸以致水溢則無路洩瀉遇旱則潮汐不通本  
 部院前于遵 旨敬陳案內條奏大興水利首列此河為  
 要目今疏濬更難緩置合飭查議仰道官吏確勘武進縣

孟河見今通塞若何河身自某處起至江口止共長若干  
 某處最為窄淺某處稍覺寬深逐一測揆丈量明白今議  
 開濬通計土方若干約需夫工若干備細核確將長濶丈  
 尺土方夫工細數造冊繪圖詳送以憑再題請濬等因  
 又奉本部院批據孟河營守備蓋一鵬詳為水旱奇荒總  
 由河道淤塞懇恩申請早賜疏濬以全民命以足國賦事  
 據常州府武進縣生員巢雲構等耆民丁珩等連名呈前  
 事內稱武邑之有孟河其來已久故明嘉靖年間重濬旱  
 資灌溉水藉奔江每歲冬春京口河道淺阻北運糧舟俱  
 由此濟商賈通行關稅盈溢明時五年一疏十年一濬誠  
 以民生國計關係此河故也我

朝

定鼎以來久未疏濬淤塞成陸旱則潮汐不通無以灌溉  
 屢歲告飢澇則金壇丹陽句容武進無錫宜興數邑之水  
 宣洩無路遂致橫流四溢今春蒙撫部院具疏入告議  
 開孟河等處未邀卽允不意本年六七月間大雨連旬奔  
 江無道積聚成壑以致孟河關城倒塌通堡街市行舟廬  
 舍傾頽禾豆盡泮民食國賦兩絕老幼啼號載道伏乞  
 申詳各臺親臨踏勘早賜疏導設開啓閉則數縣人民水

國

國

早有濟而賦可以永豐等情又據武進縣生員常則先等居民巢元  
 瑞等連名呈為足期于久遠致治尤賴先圖公懇轉申以甦民困事內稱江  
 南賦甲天下蘇松常鎮之賦尤甲江南康熙十年開濬劉  
 河吳淞二江蘇松等處水旱不致重災而常鎮之水港口  
 雖多止備一方灌溉惟孟瀆一河最為寬濶潮汐通通兩  
 郡實藉以資蓄洩自故明永樂年間尚書夏公始開此河  
 正統年間侍郎周公復行疏濬嘉靖年間再濬迄今年久  
 壅淤旱澇無備以致連年告災民苦飢饉伏查常郡各港  
 如包港申港尚通商民小艇畧加疏濬即可備一方旱澇  
 如黃田港不過港口二十餘里淤淺獨孟瀆河壅淤特甚  
 伏乞申詳上臺再疏請濬孟河一通上以裕國下以利  
 民誠地方第一急務所關非小等情據此切切焘卑職查得  
 孟瀆一河為長江門戶常郡咽喉春夏則引水灌田秋冬  
 則乘潮挽運在明季築城守汛亦為要口偵防計耳今歲  
 久涇塞潮乾水涸如去年亢旱外潮無入今歲霪潦內溢  
 難消遂致無歲不災無災不重更兼城關衝塌汛地可虞

總因河塞之故貽害至此卑職不揣冒昧謹據矜耆里民呈詞詳陳大槩伏祈委官確勘再疏特題請濬俾旱澇無恐一勞永逸等情奉批仰蘇常道遵炤前檄速行親勘確估議詳以憑再疏題奪等因到道奉此俱經備行常州府躬親丈勘確估議詳去後據該府詳稱孟瀆一河雖坐居武進實常鎮諸水匯歸之區相連江汛旱則納來潮以溉田澇則洩諸流以奔江誠備蓄洩之要津也詢之有年里老此河自前朝開濬之後數十年未經疏導淤沙填塞水利久廢由是水旱並災病農虧課非一日矣今奉撫部院特疏請修水利為國計民生籌永遠之圖蒙委勘丈孟河職府隨會同廳縣各官親往逐段察勘自郡城之西三十里至奔牛鎮鎮有萬緣橋進橋往北歷孟河城以出江此古孟瀆河也自萬緣橋起往北至羅墅灣蒲溝村止計程九里餘丈見一千六百六十五丈六尺雖河形如故而水深止一二尺不等又羅墅灣蒲溝村起至夏墅鎮橋北窰溝門止計程九里丈見一千五百七十三丈八尺河形窄涸又窰溝門起至石橋灣西大溝門止計程十二里丈見二千一百四十六丈八尺河流已竭又大溝門起由

東迤西至萬歲廟止計程十里丈見一千七百二十三丈四尺淤泥堆積河形甚狹滴水已無又萬歲廟起由南而北至孟河堡城南關計程五里丈見八百八十五丈二尺河形已沒竟成平地盡係土人開種從孟河城南關而至北關河形雖存向日原由此路通潮出入今兩岸堆沙成陸盡屬居民蓋房棲址年久若議開通不惟拆毀可惜抑且擾民應移東城外沿城原有河形直至北關下馬橋止計程三里丈見五百三十八丈二尺開此可免毀民居通計孟河應濬處所共長四十八里丈見八千五百三十五丈今酌議開挑河面濶十丈底濶六丈深一丈焘依開濬劉河吳淞事例每上下四旁各一丈為一方共計應挑土六萬八千二百六十四方內有舊存河形及一綫水澤應扣除土方不計外實約挑土六萬方每方焘例計夫十四工共該夫八十四萬工每工給銀五分該銀四萬二千兩又江口必須建造堅固大閘一座既可阻流沙灌入以圖永久溪通又可隨潮啓閉俾蓄洩以時設閘之外原有木椿釘塞今應再加稠密一如劉河成規鞏固江汛無碍禁例又孟河城垣見今南北關樓傾倒并宜修葺城東既議



開深岸脚更宜幫砌再開浚之始應築大小各壩與夫岸水夫役凡建開修城築壩岸夫等項又約需料工銀六千兩總計濬河建開約費四萬八千金然此係計河段之丈尺并做炤劉淞之舊例約計之數若夫物料之損益夫工之增減是在臨期酌核力加樽節確定報銷又非今日之預計矣到道據此該本道覆看得孟瀆一河坐居武進西北凡常鎮諸邑之水趨于北者俱匯孟河以入江誠通潮一大幹河備旱澇而資蓄洩者也祇因年久失疏淤塞幾成平陸茲據該府丈勘情形班班可考自應及早挑濬以沾水利但江潮進口必夾浮沙若建開啓閉不惟禦沙不入抑得便于相時蓄洩就孟城東門之舊道疏濬流通俾兩崖居民無安土重遷之累亦軫恤之一籌至若河面十丈底濶六丈似應一律深通無庸另議惟按所丈河身共長八千五百三十三丈挑浚建開需費四萬八千兩而丹陽以東武進以西諸水全賴此河流通蓄洩以資灌溉似未可以惜小費而不計遠圖毋論諸邑受災連年虧課不知凡幾即就武進康熙十八年一歲之蠲賑已足償此工費而有餘况今歲水灾比上年旱荒尤甚飢黎現在乏食

與其請帑賑濟莫若議舉河工而使灾民得以就食水利得以興修但當

國

用浩繁餉需孔亟之際何敢遽議動銷正項惟有請怡昔年劉淞事例先行發帑濟工請展事例諭補既于正帑無虧而庶務克舉矣再查昔年開浚劉河四月告竣吳淞五月工成今孟河應浚土方雖減于吳淞而實過于劉河大約亦以四月為期為工八十四萬則每日用夫七千本地雖或不能頓集多人然附近無錫江陰丹陽等處欲趁工覓食者不少必得遴委幹員分段監督俾夫無散佚工不草率尤在臨事制宜務期公私交便可耳

巡撫慕 報兩河完工咨

據蘇松常道祖參議會同蘇松督糧道劉副使詳稱奉此遵即

查怡 部文憲行詳定總理府佐兩河各委一員及分段各委官躬親督率丈量僱催各縣應募人夫築壩岸水搭廠賃房酌派挑濬白茆一河係蘇糧道督濬于二月初二日興工竭蹶督催于四月二十九日全河告竣孟瀆一河係守蘇道督濬于二月十八日興工駐劄常州臨河查僱于五月初十日開濬全完惟是開座建造修築原奉條約

俟河工將竣即行興造今濬河雖經工完奈緣正值插蒔  
 農忙建開動工不惟有妨東作抑且壩絕水源無資灌溉  
 更兼入夏之後天雨水漲流急難于定椿應俟農工稍緩  
 水勢一退自當兼程建築至于動用錢糧統俟開座告成  
 核明彙冊報銷仰祈俯念農忙水漲將浚河完工日期并  
 開座未易速竣情由咨明 內部准予秋成之後起工庶  
 農工不致兩悞矣等因到部 院據此為 題請濬河關係  
 三吳水利本部院念切 國計民生具 題請濬河蒙  
 貴部覆允先動正項錢糧修理俟捐輸補還將興工日期  
 報明等因隨經備行司道遵照 焘并將興工期咨報在案惟  
 是白茆原委蘇糧道劉副使督理開挑孟河原委蘇常道  
 祖參議督理開挑本部院先經頒發條約轉飭在工各官  
 共相協理節檄嚴催據報于四月二十九五月初十日濬  
 完但建造開座原應俟工完築壩興造今據各詳道詳稱  
 時值農忙若建開動工不惟有妨東作抑且壩絕水源無  
 資灌溉難于定椿建築相應仰請 貴部准賜寬展于秋  
 成之後將開座逐一建造工完將動用錢糧一并核明報  
 銷庶無貽悞為此合咨 貴部請煩查焘施行

